



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

19. De Lectionibus in genere & specie.

Nutzungsbedingungen

[urn:nbn:de:hbz:466:1-54780](#)

Octava non habentur Versus in horis ut alias : quia tanta est festivitas cum brevitate officii con-juncta ; ut non egeamus stimulis. Tempore verò Paschali additur utrique parti Versus *Alle-luja* ad majorem lātitiam exprimendam. Ver-sibus tamen , qui habentur in precibus , non additur *Alleluja*. Quia in his attenditur potius ratio humilitatis & mōroris de peccatis nostris, quām lātitiae. De Absolutionibus & Benedi-ctionibus nota sequentia. 1. Absolutio dici-tur, vel quia cā absolvitur nocturnum , vel quia simul cum p̄æcedente oratione Dominicā petimus mundari corda nostra ad audiendum verbum Dei in Lectionibus ; vel denique abso-lutiones post quemlibet Nocturnum appellan-tur sumptā denominatione à nobiliōri , quæ di-citur in 3^o Nocturno , in qua verba hæc sunt : *A vinculis peccatorum nostrorum absolvat, &c.* 2. Lector petit benedictionem , & humilitatis gratiā dicit *Domne non Domine* , quia teste Ba-ton. hic Dei titulus est , ille hominis p̄æclarī. Tempore S. Hieron. viri sancti & alii homines vocabantur *Domni*. Solus autem Deus *Domi-nus*. Solus officium tecitans dicit *Iube Domini-mente ad Deum dire&tā*. 3. Absolutiones & Benedictiones sunt numero ternario in hono-rem SS. Trinitatis.

19. *De Lectionibus in genere & specie.*

DE Lectionibus nota sequentia. 1. Lectio-nes inde dicuntur , quod legantur & non cantentur ut Psalmi. Apud Hebræos certis die-bus

Pars tertia

144 bus in Synagogis legebatur de Lege & Prophetis. Christus legit pariter Luc. 4. Sic legebatur Act. 13. Pro Lectionibus Breviarii Hieronymus Damasi jussu composuit ita dictum *Lectarium*, sicut & expost S. Gregorius M. ita dictum *Sacramentarium*. In Conc. Laodic. Can. 17. decreta fuit Lectio post Psalmos vel longa ut in Matutino, vel brevis ut in aliis horis. 2. Numerus Lectionum nec fuit major novem, nec minor tribus Lectionibus. Per novem conjungimur Choris Angelorum. Tres designant tria prædicationis tempora ante legem, sub lege, & tempore gratiæ. Cùm Psalmi opera bona significant, & Lectiones doctrinam. Äquales Psalmi & Lectiones docent æqualiter in nobis convenire debere verbum & opus. Profesta Symbola sunt antiquæ legis, festa novæ. Quia ergo in antiqua lege respectu novæ pauci erant Prædicatores. In profestis tantum tres, in festis novem sunt Lectiones.

Lectiones primi Nocturni.

3. **C**ur libri S. Script. in hunc, quem habemus, ordinem anni tempora ac menses in primo Nocturno distributi sint. Variis opinionibus rejectis à Gavanto allatis hoc mihi formo sistema. In Adventu legitur Isaías, quia nullus Prophetæ apertius locutus est de Nativitate Domini. A Natali Domini usque ad Septuagesimam leguntur Epistolæ Pauli, quia dum representatur Christus in mundo, novi testamenti

menti præcones audiri debent. A Septuagel. ad Dom. Passionis ex lib. Gen. Exod. quia pa- sionem Domini celebraturi recurrere debemus ad Adæ peccatum , casumque humani generis & varias ob peccata eidem inflictas pœnas. Dum- que legitur de Patriarchis Abraham , Iisaac, Ja- cob , quasi ex diversis æstatibus Chorus Patrum ad Christum deducimus. In Passione Jeremias legitur , quia multa de eadem narrat. Post Pa- scha Actus Apostolorum Apoc. & Epistolæ Apo- stolorum , quia virtute magnâ reddebat Apo- stoli testimonium Resurrectionis Christi. Post Pentecosten usque ad mensem Augustum libri Regum ponuntur ; ut resumatur ordo histori- cus à Gen. Exod. &c. ad libros Regum. Libris Regum lectis , quasi exemplaribus agendorum vel vitandorum à nobis , pro Augusto mense se- quuntur libri doctrinales scilicet Prov. Eccles. Cant. Cantic. Sap. Eccli. Expost pro mense Sep- tembri redeunt denuo exempla ex lib. Job. Tob. Jud. Esther. Et pro mente Octobri Machabæi variis exemplis suis virtutes edocentes. Et quia ad perfectionem virtutum pervenitur continua hâc vicissitudine doctrinæ scilicet & exempli. Hinc pro mense Novembri doctrinales denuò succedunt libri Prophetarum. Ezech. Dan. duo- decim Prophetatum. Qui & absque eo com- modè in Novembrem rejiciuntur ; quia sæpè loquuntur de adventu Messiæ , quem in De- cembri proximo celebramus.

Lectiones secundi Nocturni.

4to. PRO secundo Nocturno Gelasius Papa dicitur posse detumi Lectiones ex SS. Cypriano, Chrysost. Hilar. August. Hieron. Isidoro, Leone, &c. Primæ historiæ de sanctis in officio habuerunt Autores Paulum Diaconum. Quem ad id instigavit Carolus M. Imperator, & Usuardum Monachum, qui vivebant circa annum Christi 800. ita Polyd. Virgil. Lectiones, quas modò habemus ex Sanctorum historiis à Cardinalibus Bellarm. & Baronio recognitæ & approbatæ sunt sub Clemente VIII, qui rejecerunt varia, minima quâ fieri potuit Lectionum mutationem. Nam quæ erant controversa, reliquerunt, si alicujus gravis Autoris testimonio suffulta aliquam haberent probabilitatem. Hinc inscitiam suam probat, qui ex hoc, quod hæc illæ historiæ Breviario insertæ sint, vult eas probatas esse infallibili quasi iudicio Ecclesiæ, v.g. de Baptismo Constantini, corpore S. Bartholomæi ubi assertur, Marcellini Papæ lapsu, de familiis Sanctorum aliisque, quæ viri docti & probi impugnant, aut de quo certa ab incertis fabulas à veris historiis secernere cupientes amorem veritatis meliores probationes expetunt. Sicut enim historia profana ita vel maximè sacra debet esse Magistra veritatis. Temerè tamen & sine sufficiente fundamento historiæ communiqueretur receptæ aut Breviario insertæ impugnari non debent. Bonorum criticorum solidum fundamen-

mentum est, quod si coævi his illis Sanctis Autores, aut paulò pòst seuti nihil de hoc illo meminerint, fidem non inveniant, qui hæc illa post integra priùs sæcula evoluta narrant, nec ullum ex antecessoribus alicujus autoritatis Scriptoribus in rei narratæ testem citant, aut citare possunt. Porrò textus Lectionum 2di Nocturni ex SS. PP. desumptarum diligenter collati sunt cum eorum libris M. S. & melioris notæ impressis.

Lectiones tertii Nocturni.

5. PROterio Nocturno Evang. cum homilia legitur, quia id, ut jam aliàs dictum, representat tempus gratiæ & copiosam Evangelicam doctrinam, ejusque explicationem. Porrò, *Homilia græcè, sermonem & colloquia sonat latine.* 6. Ad Lectiones sedetur, vel silendo statur ad majorem ad eas attentionem præbendam. 7. Demum in fine Lectionis dicitur: *Tu autem Domine miserere nobis, non Domne;* ut ante Lectionem. Quia tunc cum Deo loquitur Lector, & per deprecationem illam indicat, ipsum perlegendi officium sine alicujus saltē levis culpæ pulvere vix peragi posse. Chorus succinit: *Deo gratias.* Quia agimus gratias Deo, quod panem doctrinæ nobis frangere dignatus sit. Et idem ideo etiam respondetur in fine omnium Capitulorum.